



LEMBAGA MINYAK SAWIT MALAYSIA

Malaysian Palm Oil Board

Kementerian Perladangan dan Komoditi
(Ministry of Plantation and Commodities)



Ruj. Tuan / Your Ref. :

Ruj. Kami / Our Ref. :

16 Jun 2025

Pk (EL) MPOB 02/2025

Semua Pemegang Lesen Kategori Peniaga Buah Kelapa Sawit (DF)

Tuan/Puan,

PENGUATKUASAAN TAMBAHAN KRITERIA PERMOHONAN LESEN DAN SYARAT LESEN YANG DIKENAKAN BAGI PEMEGANG LESEN DALAM KATEGORI PENIAGA BUAH KELAPA SAWIT (DF): MANDATORI PENSIJILAN MINYAK SAWIT MAMPAN (MSPO)

Dengan segala hormatnya saya merujuk kepada perkara tersebut di atas.

2. Dimaklumkan bahawa Mesyuarat Lembaga ke-137 bertarikh 7 Mei 2025 dan Edaran Lembaga MPOB Bil. 2/2025 bertarikh 10 Jun 2025 telah bersetuju untuk menguatkuasakan tambahan Kriteria Permohonan Lesen dan Syarat Lesen berkaitan pensijilan MSPO serta pematuhan kehendak dan keperluan yang terkandung dalam piawaian MSPO yang akan dikenakan ke atas kategori Peniaga Buah Kelapa Sawit (DF).

3. Sehubungan dengan itu, Lembaga akan menguatkuasakan kriteria dan syarat lesen seperti yang diperincikan di dalam **Pekeliling Penguatkuasaan (Pelesenan) MPOB 02/2025 [Pk (EL) MPOB 02/2025]** mulai **1 Julai 2025**. Walau bagaimanapun, pihak industri yang berkaitan diberi tempoh enam (6) bulan bertenang bagi tujuan familiarisasi dan tindakan penguatkuasaan akan dilaksanakan bermula pada 1 Januari 2026.

4. Dalam hal ini, pihak tuan/puan dikehendaki mematuhi syarat-syarat lesen yang telah ditetapkan sebagaimana Jadual Enam, Peraturan 21, Peraturan-Peraturan Lembaga Minyak Sawit Malaysia (Pelesenan) 2005 bagi mengelak tindakan penguatkuasaan MPOB.

Sekian, terima kasih.

"MALAYSIA MADANI"
"BERKHIDMAT UNTUK NEGARA"

Yang benar,

DATUK DR. AHMAD PARVEEZ HJ. GHULAM KADIR
Ketua Pengarah

- s.k. i) Pengerusi MPOB
ii) Setiausaha Bahagian Kanan, Bahagian Kemajuan Industri Sawit & Sago (BISS) KPK
ii) Setiausaha Malaysian Oil Palm Dealers Association (MOPDA)



SIRIM
CERTIFIED TO ISO 9001:2015
CERT. NO.: QMS 02602



18 - 20 November 2023
Kuala Lumpur Convention Centre



**LEMBAGA MINYAK SAWIT MALAYSIA
BAHAGIAN PELESENAN DAN PENGUATKUASAAN
PEKELILING PENGUATKUASAAN (PELESENAN) MPOB**

Rujukan Pekeliling : Pk (EL) MPOB 02/2025

Tarikh Kuatkuasa : 1 Julai 2025

Perkara : **PENGUATKUASAAN TAMBAHAN KRITERIA PERMOHONAN
LESEN DAN SYARAT LESEN YANG DIKENAKAN BAGI
PEMEGANG LESEN DALAM KATEGORI PENIAGA BUAH KELAPA
SAWIT (DF): MANDATORI PENSIJILAN MINYAK SAWIT MAMPAN
(MSPO)**

1.0 TUJUAN

- 1.1 Untuk memaklumkan penguatkuasaan pensijilan Minyak Sawit Mampan Malaysia (MSPO) sebagai tambahan kriteria permohonan lesen dan syarat lesen ke atas pemegang lesen kategori Peniaga Buah Kelapa Sawit (DF).

2.0 LATAR BELAKANG

- 2.1 Pensijilan MSPO telah digubal dengan mengambil kira undang-undang dan peraturan-peraturan dalam negara termasuklah kriteria kemampunan. Langkah ini bertujuan untuk meningkatkan imej minyak sawit negara daripada perspektif kemampunan di samping memenuhi permintaan pasaran bagi minyak sawit yang disijilkan agar ianya dapat diterima di pasaran global.
- 2.2 Pensijilan MSPO ini juga telah dibangunkan oleh Kerajaan Malaysia yang mengambil kira kepentingan pengeluaran kelapa sawit sama ada bersaiz kecil, sederhana atau besar.
- 2.3 Skim pensijilan MSPO ini juga antara lain membentuk sebahagian daripada strategi untuk menangani beberapa isu berkaitan yang memberi impak kepada industri kelapa sawit terutamanya mengenai kelestarian alam sekitar dan keprihatinan terhadap pembangunan sosio-ekonomi. Skop MSPO mencakupi piawaian menyeluruh bagi industri kelapa sawit termasuk untuk menangani pertikaian yang sebahagiannya berupa spekulasi, tohmahan dan tuduhan tanpa asas yang kukuh. Antara perkara lain yang dibangkitkan dalam konteks ini adalah risiko penyahhutan, penyusutan biodiversiti, kehilangan peranan ekologi dan pelanggaran hak penduduk peribumi.
- 2.4 Pematuhan mandatori pensijilan MSPO telah dilaksanakan secara berperingkat bermula pada 1 Januari 2020 bagi pemegang lesen kategori Kilang Buah Kelapa Sawit (MF), Estet (ET) dan Kebun Kecil (SH). Pelaksanaan pematuhan mandatori pensijilan MSPO melibatkan pemegang lesen bagi kategori Kilang Pelumat Isirung Sawit (CF), Kilang Oleokimia Sawit (CM) dan Kilang Penapis (RF) pula telah dilaksanakan mulai 1 Januari 2025 untuk memastikan kelestarian industri kelapa sawit negara dalam jangka masa panjang terpelihara dan memberi impak yang maksima.



**LEMBAGA MINYAK SAWIT MALAYSIA
BAHAGIAN PELESENAN DAN PENGUATKUASAAN
PEKELILING PENGUATKUASAAN (PELESENAN) MPOB**

- 2.5 Kesenambungan daripada itu dan bagi memastikan keseluruhan rantai pengeluaran produk minyak sawit memenuhi kehendak kemampanan, satu (1) sesi konsultasi bersama industri telah diadakan. Hasil daripada konsultasi tersebut, suatu pendekatan telah diambil dengan memutuskan bahawa tambahan kriteria permohonan lesen dan suatu peruntukan undang-undang iaitu menambah syarat yang dikenakan pada lesen bagi kategori Peniaga Buah Kelapa Sawit (DF) perlu dilaksanakan.
- 2.6 Susulan daripada itu, Mesyuarat Jawatankuasa Penguatkuasaan Pensijilan MSPO yang telah diadakan pada 19 Februari 2025 dan juga Edaran Lembaga MPOB Bil. 2/2025 bertarikh 10 Jun 2025 memutuskan untuk menambah kriteria permohonan lesen dan syarat lesen yang dikenakan ke atas Peniaga Buah Kelapa Sawit (DF).

3.0 PENGUATKUASAAN KRITERIA DAN SYARAT LESEN

- 3.1 Lembaga akan menguatkuasakan kriteria permohonan lesen dan syarat lesen yang dikenakan ke atas Peniaga Buah Kelapa Sawit (DF) seperti di **Lampiran 1** dan **Lampiran 2**.
- 3.2 Peraturan 21, Peraturan-Peraturan Lembaga Minyak Sawit Malaysia (Pelesenan) 2005 (Peraturan Pelesenan) memperuntukkan bahawa seseorang pemegang lesen yang tidak mematuhi atau melanggar apa-apa syarat lesen yang dikenakan adalah melakukan suatu kesalahan dan apabila disabitkan boleh didenda tidak melebihi dua ratus ribu ringgit atau dipenjarakan selama tempoh tidak melebihi tiga tahun atau kedua-duanya.
- 3.3 Ketidakpatuhan yang berterusan ke atas kehendak dan keperluan yang terkandung dalam piawaian MSPO serta kegagalan untuk mendapatkan pensijilan MSPO juga boleh menyebabkan sesuatu lesen digantung, dibatalkan atau tidak diperbaharui sebagaimana yang diperuntukkan di bawah Peraturan 15 Peraturan Pelesenan.

4.0 PEMAKAIAN

Pekeliling Penguatkuasaan (Pelesenan) MPOB 02/2025 [Pk (EL) MPOB 02/2025] adalah terpakai kepada kepada semua pemegang lesen kategori Peniaga Buah Kelapa Sawit (DF).

5.0 TARIKH KUATKUASA

Pekeliling penguatkuasaan ini berkuatkuasa mulai **1 Julai 2025**.

6.0 PENGESAHAN DAN KELULUSAN

DATUK DR. AHMAD PARVEEZ HJ. GHULAM KADIR
Ketua Pengarah MPOB

Tarikh: 16/6/2025

LAMPIRAN 1

TAMBAHAN KRITERIA BAGI PERMOHONAN LESEN DAN SYARAT LESEN BAGI KATEGORI PENIAGA BUAH KELAPA SAWIT (DF): MANDATORI PENSIJILAN MINYAK SAWIT MAMPAN (MSPO)

TAMBAHAN KRITERIA LESEN:

KATEGORI PENIAGA BUAH KELAPA SAWIT (DF)

Tarikh Pelaksanaan dan Kuat Kuasa: 1 Julai 2025

“Pemegang lesen diberi tempoh enam (6) bulan dari tarikh lesen diluluskan untuk mempunyai pensijilan *Minyak Sawit Mampam Malaysia (MSPO) daripada mana-mana badan pensijilan yang ditauliahkan oleh Standards Malaysia atau mana-mana agensi yang diiktiraf oleh Lembaga.”

* Nota:

Malaysian Standard MS 2530 akan ditentukan mengikut kategori lesen, iaitu Malaysian Standard MS 2530 Part 4-3 untuk Peniaga Buah Kelapa Sawit (DF).

LAMPIRAN 2

TAMBAHAN KRITERIA BAGI PERMOHONAN LESEN DAN SYARAT LESEN BAGI KATEGORI PENIAGA BUAH KELAPA SAWIT (DF): MANDATORI PENSIJILAN MINYAK SAWIT MAMPAN (MSPO)

TAMBAHAN SYARAT LESEN:

KATEGORI PENIAGA BUAH KELAPA SAWIT (DF)

Tarikh Pelaksanaan : 1 Julai 2025
Tarikh Kuat Kuasa : 1 Januari 2026

- 1) "Pemegang lesen hendaklah pada setiap masa mematuhi kehendak dan keperluan yang terkandung dalam piawaian Minyak Sawit Mampan Malaysia (MSPO) di bawah Malaysian Standard MS 2530 terkini atau mana-mana standard yang ditentukan oleh Lembaga dan mendapat pengesahan dan perakuan daripada mana-mana badan pensijilan yang ditauliahkan oleh Standards Malaysia atau mana-mana agensi yang diiktiraf Lembaga."

dan

- 2) "Pemegang lesen dikehendaki mempunyai pensijilan Minyak Sawit Mampan Malaysia (MSPO) daripada mana-mana badan pensijilan yang ditauliahkan oleh Standards Malaysia atau mana-mana agensi yang diiktiraf oleh Lembaga."

* Nota:

Malaysian Standard MS 2530 akan ditentukan mengikut kategori lesen, iaitu Malaysian Standard MS 2530 Part 4-3 untuk Peniaga Buah Kelapa Sawit (DF).